

Broj:01-01-5-760/02
Datum: 27.decembar 2001.
Zenica

**PREDSJEDAVAJUĆI
VIJEĆA OPĆINE ZENICA**
Ljiljana Cicmil

**PREDSJEDAVAJUĆI
VIJEĆA OPĆINE ZENICA**
Ljiljana Cicmil

220.

Na osnovu člana 2.12. Izbornog zakona Bosne i Hercegovine ("Službeni glasnik BiH", broj 23/01) i člana 34. Statuta općine Zenica ("Službene novine općine Zenica", broj 3/98 - prečišćen tekst i 6/99) Vijeće općine Zenica na sjednici održanoj 27. decembra 2001. godine, donosi

**RJEŠENJE
O IMENOVANJU OPĆINSKE
IZBORNE KOMISIJE**

I
U Općinsku izbornu komisiju imenuju se:

1. **MAJDA GRIZOVIĆ**, sudija, za predsjednika,
2. **mr. SELVER KELEŠTURA**, dipl. pravnik, za člana,
3. **ARMINA GIČEVIĆ**, advokat, za člana,
4. **ŽELJKA MARKOVIĆ-SEKULIĆ**, dipl. pravnik, za člana,
5. **KANITA MULABDIĆ**, dipl.ing.metalurgije, za člana.

II
Ovo rješenje stupa na snagu danom donošenja i objaviće se u "Službenim novinama općine Zenica".

Broj:01-05-6-23459/01.
Datum, 27.decembar 2001.
Zenica

**PREDSJEDAVAJUĆA
VIJEĆA OPĆINE ZENICA**
Ljiljana Cicmil

221.

Na osnovu člana 223. stav 1. Zakona o upravnom postupku ("Službene novine F BiH", broj 2/98, 48/99) i člana 34. Statuta općine Zenica ("Službene novine općine Zenica", broj 3/98 - prečišćen tekst i 6/91), Vijeće općine Zenica na sjednici održanoj 27. decembra 2001. godine, donijelo je

**RJEŠENJE
O IMENOVANJU DRUGOSTEPENE KOMISIJE
ZA RJEŠAVANJE O ŽALBI PROTIV RJEŠENJA
U PRVOSTEPENOM UPRAVNOM
POSTUPKU**

I
Imenuje se Drugostepena komisija za rješavanje o žalbi protiv rješenja koja su donesena u prvostepenom upravnom postupku na osnovu Statuta općine Zenica ili propisa Vijeća općine Zenica u okviru isključivih prava i dužnosti općine, u slijedećem sastavu:

1. **ALMA JEFTIĆ**, predsjednik,
2. **DANKA BOŠNJAK**, član
3. **MAJDA ČERIM**, član

II
Drugostepena komisija iz tačke I ovog rješenja imenuje se na period od dvije godine.

III
Stupanjem: na snagu ovog rješenja stavlja se van snage Rješenje broj: 01-05-7-7014/01 od 11.aprila 2001. godine.

IV
Ovo rješenje stupa na snagu danom donošenja i objavit će se u "Službenim novinama općine Zenica".

Broj: 01-05-7-755/02
Datum: 27.decembar 2001.
Zenica

222.

Na osnovu člana 90. Stav 2. Zakona o radnim odnosima i plaćama službenika organa uprave u Federaciji Bosne i Hercegovine ("Službene novine F BiH", broj 13/98) i člana 34. alineja 16. Statuta općine Zenica ("Službene novine općine Zenica", broj 3/98 - prečišćen tekst i 6/99) Vijeće općine Zenica na sjednici održanoj 27. decembra 2001. godine, donijelo je

**RJEŠENJE
O IMENOVANJU DRUGOSTEPENE DISCIPLINSKE
KOMISIJE OPĆINSKIH
SLUŽBI ZA UPRAVU**

I
Imenuje se Drugostepena disciplinska komisija općinskih službi za upravu u slijedećem sastavu:

1. **AIDA ISAKOVIĆ**, predsjednik
2. **SANJA ŽIVOJEVIĆ**, član
3. **FATA SREBRENICA**, član
4. **AERZEMANA ČELIKOVIĆ**, član
5. **SUVAD DIZDAREVIĆ**, član

II
Disciplinska komisija iz tačke I ovog rješenja imenuje se na period od dvije godine.

III
Stupanjem na snagu ovog rješenja stavlja se van snage Rješenje broj: 01-005-7-26322/00 od 6.novembra 2000. godine.

IV
Ovo rješenje stupa na snagu danom donošenja a objavit će se u "Službenim novinama općine Zenica".

Broj:01-05-7-756/02
Datum:27.decembar 2001.
Zenica

**PREDSJEDAVAJUĆI
VIJEĆA OPĆINE ZENICA**
Ljiljana Cicmil

223.

Na osnovu člana 14. Odluke o izmjenama i dopunama Odluke o javnim priznanjima Zenice ("Službene novine općine Zenica", broj: 9/01) i člana 14. alineja 7. Odluke o obrazovanju stalnih komisija Vijeća općine Zenica ("Službene novine općine Zenica", broj 7/97 i 4/00) Komisija za propise Vijeća općine Zenica na sjednici od 26.12.2001. godinu, utvrdila je prečišćen tekst

**ODLUKE
O JAVNIM PRIZNANJIMA ZENICE**

I
Prečišćen tekst Odluke o javnim priznanjima Zenice obuhvata: Odluku o javnim priznanjima Zenice ("Službene novine općine Zenica", broj 1/96) i Odluku o izmjenama i dopunama Odluke o javnim priznanjima Zenice ("Službene novine općine Zenica", broj 9/01) u kojima je označen dan stupanja na snagu Odluke odnosno Odluke o izmjenama i dopunama.

II
Prečišćen tekst Odluke o javnim priznanjima Zenice objaviće se u "Službenim novinama općine Zenica".

Broj:01-05-7-23344/01
Datum:26.12.2001.
Zenica

**PREDSJEDNIK
KOMISIJE ZA PROPISE**
Dijana Ajanović, dipl.prav.

ODLUKA O JAVNIM PRIZNANJIMA ZENICE

(prečišćen tekst)

I - OPĆE ODREDBE

Član 1.

Ovom Odlukom utvrđuju se javna priznanja Zenice, kriteriji i postupak dodjele javnih priznanja.

Član 2.

Javna priznanja Zenice su: "Grb Zenice", "Nagrada Zenice" i "Plaketa Zenice".

Redoslijed priznanja iz stava 1. predstavlja visinu njihovog ranga.

Pod javnim priznanjima podrazumjevaju se i "proglašenje počasnim građaninom Zenice".

Član 3.

Javna priznanja mogu se dodjeljivati građanima Zenice i drugim licima koja rade na području općine Zenica, udruženjima građana, lokalnim zajednicama, ustanovama, privrednim društvima i drugim pravnim subjektima za uspjehe u radu i aktivnostima kojima znatno doprinose razvoju Zenice ili pojedinih djelatnosti, afirmaciji njenih interesa, u znak odavanja počasti i zahvalnosti, te unapređenju ljudskih prava i razvoju demokratije.

Javna priznanja mogu se dodjeljivati i državljanima drugih zemalja, prijateljskim gradovima, međunarodnim organizacijama i organizacijama iz drugih država.

Član 4.

Javna priznanja Zenice dodjeljuju se u pravilu povodom 20. marta - Dana općine Zenica.

Odluku o dodjeli javnih priznanja donosi Vijeće općine Zenica.

II - JAVNA PRIZNANJA ZENICE

a) "Grb Zenice"

Član 5.

"Grb Zenice" je najviše javno priznanje.

"Grb Zenice" dodjeljuje se građanima Zenice i drugim licima koji rade i djeluju na području općine Zenica, privrednim društvima, ustanovama, udruženjima građana i drugim pravnim subjektima za izuzetne zasluge i postignute rezultate u teorijskom i praktičnom radu na unapređenju nauke, privrede, obrazovanja, kulture, umjetnosti, sporta, zdravstva, socijalne brige i drugih područja društvenog života u općini Zenica.

"Grb Zenice" može se dodijeliti svake druge godine.

Član 6.

"Grb Zenice" je stilizovana izvedba grba grada Zenice izrađena od bakra (ili bronze).

Uz "Grb Zenice" dodjeljuje se diploma.

b) "Nagrada Zenice"

Član 7.

"Nagrada Zenice" dodjeljuje se građanima Zenice i drugim licima, njihovim udruženjima, lokalnim zajednicama, ustanovama, privrednim društvenim i drugim pravnim subjektima povodom njihovih jubileja, za uspjehe u poslovanju, zasluge za razvoj općine Zenica, unapređenje kvaliteta življenja te afirmaciji Zenice i jačanju njenog ugleda u Zemlji i svijetu.

Član 8.

"Nagrada Zenice" dodjeljuje se u vidu diplome uz novčani iznos čiju visinu utvrđuje Ocjenjivački sud.

Izuzetno od stava 1. ovog člana novčani iznos neće se dodjeljivati profitnim organizacijama.

c) "Plaketa Zenice"

Član 9.

"Plaketa Zenice" dodjeljuje se građanima Zenice i drugim licima koja rade na području općine Zenica, udruženjima građana, privrednim društvima, ustanovama i drugim subjektima povodom Dana Zenice, ili drugih godišnjica za trajniju, općepriзнatu djelatnost kojom su znatno doprinijeli razvoju i afirmaciji Zenice.

Član 10.

"Plaketa Zenice" se dodjeljuje u vidu diplome uz grb grada

Zenice u metalnoj izvedbi.

Član 11.

Javna priznanja se mogu izuzetno dodijeliti pojedincima i posmrtno.

d) Proglašenje počasnim građaninom Zenice

Član 12.

Počasnim građaninom Zenice može se proglasiti lice posebno zaslužno za afirmaciju vrijednosti demokratskog društva, istorijskih događaja i tradicije Bosne i Hercegovine, položaja i ugleda Zenice i njenih odnosa sa drugim gradovima i općinama u zemlji i inostranstvu te razvoj Zenice ili pojedinih djelatnosti, državnik ili službenik druge države, član međunarodne organizacije odnosno organizacije druge države posebno zaslužan za Zenicu i Bosnu i Hercegovinu u jačanju njihovog ugleda na opće prihvaćenim načelima savremenog svijeta.

III - POSTUPAK DODJELE JAVNIH PRIZNANJA

a) Ocjenjivački sud - sastav i nadležnosti

Član 13.

Postupak dodjele javnih priznanja pokreće i vodi Ocjenjivački sud.

Član 14.

Ocjenjivački sud imenuje Vijeće općine na prijedlog Komisije za izbor i imenovanja.

Član 15.

Ocjenjivački sud ima predsjednika i deset članova. Mandat predsjednika i članova Ocjenjivačkog suda traje 2 godine.

Član 16.

Rad Ocjenjivačkog suda je javan.

Član 17.

Ocjenjivački sud vrši sljedeće poslove:

- obavještava javnost o načinu predlaganja i roku podnošenja prijave;
- utvrđuje prijedlog za dodjelu javnih priznanja;
- utvrđuje oblik izvedbe javnih priznanja Zenice;
- podnosi Vijeću izvještaj o svom radu;
- donosi poslovnik o svom radu.

Član 18.

Poslovníkom o radu Ocjenjivačkog suda regulira se organizacija, poslovanje i načina rada ovog tijela.

b) Postupak

Član 19.

Ocjenjivački sud pokreće redovnu proceduru za dodjelu javnih priznanja Zenice u pravilu najkasnije do 5. januara tekuće godine i o tome obavještava javnost putem javnih glasila.

Obavještenje o pokretanju postupka predlaganja kandidata za dodjelu javnih priznanja konkursom obavezno se objavljuje u listu dostupnom svim građanima Zenice.

Obavještenje o raspisanom konkursu s tekstom konkursa može se uputiti, radi podnošenja prijedloga, relevantnim institucijama, privrednim društvima, udruženjima građana, strukovnim organizacijama i sl.

Član 20.

Konkurs za podnošenje prijedloga za dodjelu javnih priznanja traje do 31. januara tekuće godine.

Član 21.

Pravo predlaganja kandidata za dodjelu javnih priznanja imaju u skladu sa ovom odlukom, građani, udruženja građana, članovi Vijeća općine Zenica, radna tijela vijeća općine Zenica, Načelnik općine, organi mjesnih zajednica, ustanove, strukovne organizacije, vjerske zajednice, privredna društva i drugi pravni subjekti.

Prijedlog za dodjelu javnog priznanja u pismenom obliku dostavlja se Ocjenjivačkom sudu putem Stručne službe Vijeća i načelnika općine Zenica.

Prijedlog iz prethodnog stava sadrži sljedeće:

- ime, prezime i adresu kandidata, odnosno naziv privrednog društva, ustanove, vjerske zajednice, udruženja građana ili dru-

gih pravnih subjekata što se predlažu za dodjelu javnog priznanja;

- oblast iz člana 2, 3. i 4. ove Odluke za koju se predlaže dodjela javnog priznanja;
- obrazloženje prijedloga;
- raspoloživu dokumentaciju kojom se potvrđuju navodi iz obrazloženja.

Član 22.

Kriteriji za dodjelu javnog priznanja su:

- najbolji rezultati postignuti u teorijskom i praktičnom radu na pojedinom području rada;
- objavljena, prikazana, izložena, izvedena ili na drugi način prezentirana postignuta ili nagrađena ostvarenja i rezultati;
- uživanje ugleda stručnjaka ili djelatnika iz određene oblasti, odnosno uspješnog privrednog društva, ustanove, udruženja građana i drugog pravnog subjekta.

Član 23.

Po isteku roka za podnošenje prijedloga za dodjelu javnih priznanja Ocjenjivački sud utvrđuje listu predloženih kandidata i na temelju uvida u podnesene prijedloge i prateću dokumentaciju iz člana 11. ove Odluke vrši ocjenu formalne ispravnosti prijedloga sa aspekta pravne legitimacije podnosioca, sadržaja i roka podnošenja.

Prijedlozi koji budu podneseni od neovlaštenih podnosilaca, ili izvan roka za podnošenje ili nepotpuni u pogledu sadržaja neće se razmatrati.

Član 24.

U postupku razmatranja prijedloga za dodjelu javnih priznanja Ocjenjivački sud može za pojedina područja formirati stručne radne grupe od svojih članova i iz reda stručnih i javnih djelatnika s područja za koja su pristigli prijedlozi.

Stručne grupe dužne su svoje obrazloženo mišljenje o prijedlogu dostaviti Ocjenjivačkom sudu u roku koji se utvrđuje aktom o formiranju radne grupe.

Član 25.

Ocjenjivački sud radi u sjednicama o kojima se vodi zapisnik.

Ocjenjivački sud utvrđuje prijedlog odluke o dodjeli javnih priznanja po završenom vrednovanju i ocjenjivanju svih elemenata sadržanih u prijedlozima i dodatnoj dokumentaciji.

Prijedlog odluke o dodjeli javnih priznanja dostavlja se Vijeću općine Zenica radi razmatranja i usvajanja.

Vijeće općine može prijedlog odluke iz prethodnog stava usvojiti ili odbiti.

Član 26.

Izuzetno od odredaba ove odluke inicijativa za proglašenje počasnog građanina Zenice podnosi se izvan rokova utvrđenih ovom odlukom u pisanom obliku.

Inicijativa mora sadržavati podatke o podnosiocima inicijative i podatke o licima za koje je podnesena.

Član 27.

Ocjenjivački sud razmatra inicijativu, ocjenjuje opravdanost i daje prijedlog Vijeću općine.

Član 28.

Ako član Ocjenjivačkog suda bude predložen za neko od javnih priznanja on ne može učestvovati u radu Ocjenjivačkog suda prilikom razmatranja tog prijedloga.

Član 29.

O javnim priznanjima vodi se jedinstvena evidencija u Stručnoj službi Vijeća i Načelnika.

Član 30.

Istom fizičkom ili prvnom licu ili drugom subjektu može se pojedino javno priznanje dodijeliti samo jedanput.

Član 31.

U jednoj godini može se dodijeliti najviše pet javnih priznanja Zenice.

Član 32.

Proglašenje i uručivanje javnih priznanja vrši se, u pravilu, na svečanoj sjednici Vijeća općine.

Predsjedavajući Vijeća općine i Načelnik općine uručuju javna priznanja pojedincu odnosno ovlaštenom predstavniku pravnog lica.

Ako pojedinac odnosno predstavnik pravnog lica kojem je dodijeljeno javno priznanje ne može priznanje preuzeti ono se može uručiti i na drugi primjeren način.

Član 33.

Predsjednik i članovi Ocjenjivačkog suda imaju pravo na naknadu za svoj rad, shodno odredbama Odluke o naknadama vijećnicima i članovima stalnih radnih tijela Vijeća općine ("Službene novine općine Zenica", broj 2/98 i 10/00)".

Član 34.

Administrativno - stručne i druge poslove za potrebe Ocjenjivačkog suda vrši Stručna služba Vijeća i Načelnika.

Član 35.

Stupanjem na snagu Odluke o javnim priznanjima Zenice prestaje da važi Odluka o javnim priznanjima grada Zenice ("Službene novine općine Zenica", broj 14/86).

224.

Na osnovu člana 90. stav 1. Zakona o radnim odnosima i plaćama službenika organa uprave u Federaciji Bosne i Hercegovine ("Službene novine općine Zenica", broj 13/98), Načelnik općine Zenica, donosi

RJEŠENJE

O IMENOVANJU PRVOSTEPENE DISCIPLINSKE KOMISIJE

I

Imenuje se Prvostepena disciplinska komisija za sve općinske službe i upravu u slijedećem sastavu:

1. **KARIĆ Mirsada**, predsjednik,
- AJANOVIĆ Selma**, zamjenik predsjednika,
2. **SKENDER Džana**, član,
- MUJANOVIĆ Nesad**, zamjenik člana,
3. **KADUŠIĆ Azira**, član
- ALIJAGIĆ Senad**, zamjenik člana.

II

Disciplinska komisija iz tačke I ovog rješenja se imenuje na period od 2 godine.

III

Stupanjem na snagu ovog rješenja stavlja se van snage Rješenje broj: 02-05-7-25044/00 od 18. oktobra 2000. godine.

IV

Ovo rješenje stupa na snagu danom donošenja i isto će se objaviti u "Službenim novinama općine Zenica".

Broj:02-34-5-23328/01

Zenica, 5. decembar 2001.

NAČELNIK OPĆINE ZENICA
prof.dr. Zakir Pašalić

225.

Na osnovu člana 63. stav 2. Zakona o upravi u Federaciji BiH ("Službene novine FBiH", broj 28/97), člana 52. alineja 2. Statuta općine Zenica ("Službene novine općine Zenica", broj 3/98 - prečišćen tekst i 6/99) i člana 16. alineja 5. Odluke o organizaciji općinske uprave ("Službene novine općine Zenica", broj: 2/99), Načelnik općine, donosi

RJEŠENJE

O RAZRJEŠENJU DIREKTORA UPRAVE ZA IMOVINSKO - PRAVNE, GEODETSKE POSLOVE I KATASTAR NEKRETNINA

I

AMIRA KREHIĆ, diplomirani pravnik, razrješava se dužnosti direktora Uprave za imovinsko - pravne, geodetske poslove i katastar nekretnina sa **2.decembrom 2001.** godine, zbog odlas-